

四庫全書

經部

欽定四庫全書

經部

呂氏家塾讀詩記卷九至十一

詳校官監察御史臣邱庭澍

通政使司副使臣莫瞻菴覆勘

總校官降調編修臣倉聖脉

校對官學正臣翁樹棠

謄錄監生臣周元梓

欽定四庫全書

呂氏家塾讀詩記卷九

宋 呂祖謙 撰

齊

鄭氏詩譜曰齊者古少皞之世爽鳩氏之墟周武王

伐紂封太師呂望於齊是謂齊太公都營丘

孔氏曰漢書地

理志云齊郡臨淄縣師尚父所封也臣瓚案臨淄即營丘也今齊之城內有丘即營丘也淄水過其南及

東以丘臨水謂之臨淄

其封域東至于海西至于河南至于穆

陵北至于無棣在禹貢青州岱山之陰

離音惟淄側其反

之野後五世哀公政衰荒淫怠慢紀侯譖之於周懿

王使烹焉齊之變風始作蘇氏曰太公姜姓本四

岳之後既封於齊通工商之業便魚鹽之利民多歸

之故齊為大國

雖鳴思賢妃也哀公荒淫怠慢故陳賢妃貞女夙夜警

戒相成之道焉

孔氏曰哀公不仁
蔡公子當懿王時

雞既鳴矣朝

直遙反

既盈矣匪雞則鳴蒼蠅之聲

孔氏曰陳賢妃貞女以警戒其夫之辭曰雞既鳴矣

朝上既已盈滿矣欲令君起也

毛氏曰雞鳴而夫人作朝盈而君作朱

氏曰會朝之臣既已盈矣

又言非雞實鳴乃是蒼蠅之聲夫人之

在君所心常恐晚故以蠅聲為雞鳴

范氏曰賢妃貞女心存乎敬故

聞見其疑似者而作焉

東方明矣朝既昌矣匪東方則明月出之光

毛氏曰昌盛也見月出之光以為東方明

又曰東方明則夫人

纓笄而朝朝已昌盛則君聽朝纓色蟹反

蟲飛薨薨

呼弘反

甘與子同夢會且歸矣無庶予子憎

爾雅曰薨薨衆也鄭氏曰蟲飛薨薨東方且明之

時我猶樂與子卧而同夢蘇氏曰予豈不欲與子

同夢歟然羣臣之會於朝者亦欲退朝而歸治其家

事是以為之早作曾氏曰無庶予子憎庶無憎予

與子也毛氏曰古之夫人配其君子亦不忘其敬

毛氏曰蟲飛薨薨甘與子同夢情也會且歸矣無庶

予子憎義也

范氏曰聖人順天地陰陽之理觀萬

物之情明而動晦而休故以雞鳴為夙興之節至於

蟲飛薨薨則不獨以怠於政事亦非尚寐之時也君

子之修身不以有事而蚤無事則晏
其與居皆順天地之理所以為常也

雞鳴三章章四句

還音旋刺荒也哀公好田獵從禽獸而無厭國人化之遂
成風俗習於田獵謂之賢嫺於馳逐謂之好焉

范氏曰表記曰上之所好惡不可不慎也是民之表
也哀公禽荒而國人以習於田獵為賢嫺於馳逐為
好安於所習而不自知其非道民之道可不慎哉

子之還兮遭我乎徂乃力反之間兮並驅從兩肩兮揖我

謂我儼

許全反

兮

毛氏曰還便捷之貌猓山名從逐也獸三歲曰肩儼

利也鄭氏曰俱出田獵而相遭也謂我儼譽之也

譽之者以報前言還也王氏曰並驅則遭我又非

一人而已前漢地理志引詩云子之營兮遭我乎嶮

之間兮顏師古注云毛詩作還齊詩作營嶮山名也

字或作猓亦作嶮音皆乃高反

釋文曰猓崔靈恩集注本作嶮董氏曰

致於地記嶮猓嶮皆山名在齊之郊故諸書或異

釋文曰儼韓詩作猓

子之茂兮遭我乎狃之道兮並驅從兩牡兮揖我謂我好兮

毛氏曰茂美也

予之昌兮遭我乎狃之陽兮並驅從兩狼兮揖我謂我臧兮

毛氏曰昌盛也臧善也 朱氏曰山南曰陽 爾雅

曰狼牡羴

乎九反

牝狼

舍人曰

狼牡名羴

牝名狼

陸璣疏云其鳴能小能大善為小

健者雖善用兵者不能免也

董氏曰還茂昌崔

健者雖善用兵者不能免也

董氏曰還茂昌崔

靈恩集注以三者皆地名也

當是時齊以游畋成俗詩人載其馳驅而相遇也
意氣飛動鬱鬱見於眉睫之間染其神者深矣夫
豈一朝一夕所能反哉周遷商民既歷三紀之後
畢命猶不敢忘其憂良有以也

還三章章四句

著

直據反

刺時也時不親迎

魚敬反

也

俟我於著乎而充耳以素乎而尚之以瓊華乎而

毛氏曰俟待也 鄭氏曰我嫁者自謂也 毛氏曰

門屏之間曰著

孔氏曰爾雅云門屏之間謂之宁著與宁音義同

鄭氏曰

素為充耳所以縣

音瑱吐通

者或名為紃

孔氏曰紃即今之條

繩用雜絲線織之素色分明目所先見故先言之

紃都覽反

毛氏曰瓊華美石

鄭氏曰尚猶飾也飾之以瓊華者謂縣紃之末所

謂瑱也

孔氏曰尚謂尊尚此物而加飾也

張氏曰充耳非一物先以纁塞後以玉加之

張氏曰俟我言夫之俟我也著夫家之著也如是則不親迎也於庭於著於堂者必不是親迎只俟於堂

於庭於著而已 孔氏曰於著於庭於堂止是有先後不宜分為異人

前漢地理志載齊之風俗曰俟我於著乎而此亦其舒緩之體也雖非此篇意之所主然廣谷大川異制民生其間異俗剛柔輕重遲速異齊五味異和器械異制衣服異宜皆學者所當觀也詩可以觀其此類歟

俟我於庭乎而充耳以青乎而尚之以瓊瑩

音榮乎而

鄭氏曰青紕之青 毛氏曰瓊瑩石似玉

俟我於堂乎而充耳以黃乎而尚之以瓊英乎而

鄭氏曰黃紕之黃瓊英猶瓊華也

昏禮壻往婦家親迎既奠雁御輪壻乃先往俟于
門外婦至壻揖婦以入及寢門揖入升自西階齊
人既不親迎故但行婦至壻家之禮俟我於著乎
而此昏禮所謂壻俟于門外婦至壻揖婦以入之
時也俟我於庭乎而庭在大門之內寢門之外此

昏禮所謂及寢門揖入之時也俟我於堂乎而升階而後至堂此昏禮所謂升自西階之時也壻道婦入故於著於庭於堂每節皆俟之也

著三章章三句

東方之日刺衰也君臣失道男女淫奔不能以禮化也

釋文曰本或作刺衰公非也
南山已下始是刺衰公詩

東方之日兮彼姝

赤朱反

者子在我室兮在我室兮履我

即兮

毛氏曰興也日出東方人君明盛無不照察也 朱

氏曰履隨也 鄭氏曰即就也 朱氏曰言隨我而

相就也 程氏曰日月明照則物無隱蔽姦匿莫容

如朝廷明於上也今君不明故有淫奔之行詩人以

東方之日刺其當明而昏也 歐陽氏曰在我室兮

履我即兮相邀以奔之辭也

東方之月兮彼姝者子在我閨

他達反

兮在我閨兮履我

發兮

毛氏曰月盛於東方君明於上若日也臣察於下若

月也閨門內也

釋文曰韓詩曰門屏之間曰閨

朱氏曰發行去也

謂隨我而行去也

東方之曰二章章五句

東方未明刺無節也朝

直達反

廷興居無節號令不時挈

苦結反

壺氏不能掌其職焉

鄭氏曰挈壺氏掌漏刻者孔氏曰夏官挈壺氏下士六

人壺盛水器也挈者縣擊之名置箭壺內以為節而浮之於水上令水漏而刻下程氏曰言其不能正時矣

非特刺是官也

李氏曰觀人之政者見其一失則逆料其餘也

號令不時此一語贅蓋見詩中有自公令之之文而妄附益之爾

東方未明顛倒

都老反

衣裳顛之倒之自公召之

毛氏曰上曰未下曰裳鄭氏曰自從也挈壺氏失

漏刻之節東方未明而以為明故羣臣促遽顛倒衣裳羣臣之朝別色始入羣臣顛倒衣裳而朝人又從君所來而召之漏刻失節君又早興

東方未晞

音希

顛倒裳衣倒之顛之自公令

力反

證之

毛氏曰晞明之始升

朱氏曰令號令也猶召之也

折柳樊圃狂夫瞿瞿

俱具反

不能辰夜不夙則莫

音暮

毛氏曰柳柔脆之木樊藩也圃菜園也折柳以為藩

園朱氏曰瞿瞿驚顧之貌毛氏曰古者有挈壺

氏以水火分日夜以告時於朝程氏曰折柳以樊

圃狂夫見之且驚躩知其為限也柳柔脆易折之物

折之以為藩籬非堅固也狂夫亦知其有限見之則

蹶然而驚晝夜之限非不明也乃不能知而不早則

晏言無節之甚

李氏曰言不能時節其夜之早晚不失之早則失之晚也

東方未明三章章四句

南山刺襄公也鳥獸之行淫乎其妹大夫遇是惡作詩

而去之

鄭氏曰襄公之妹魯桓公夫人文姜也
曰襄公諸兒釐公子桓十八年左傳云公與夫

人姜氏如齊齊侯通焉公謫之以告夏四月丙子享公使公子彭生乘公公薨於車

南山崔崔

子雖反

雄狐綏綏魯道有蕩齊子由歸既曰歸

止局又懷止

毛氏曰南山齊南山也崔崔高大也國君尊嚴如南

山蕩

徒黨反

平易也齊子文姜也

王氏曰謂文姜曰齊子者以為此齊之子

也而淫於齊

鄭氏曰婦人謂嫁曰歸雄狐行求匹耦於

南山之上形貌綏綏然喻襄公居人君之尊而為淫

佚之行其威儀可恥惡如狐孔氏曰文姜由此道

而歸魯既曰歸於魯矣襄公何為而復思之乎呂

氏曰上二章罪襄公所謂曷又懷止曷又從止者言

其理如是而襄公違之以淫佚何也下二章罪魯桓

公所謂曷又鞠止曷又極止者言其理如是桓公縱之窮極其惡何也

葛屨五兩

音亮冠綏

如誰反

雙止魯道有蕩齊子庸止既曰

庸止曷又從止

毛氏曰葛屨服之賤者冠綏服之尊者庸用也

朱氏曰用

此道而嫁于魯也

朱氏曰從相從也

呂氏曰貴賤各有

耦也屨與屨為耦雖五兩之多各相耦冠綏之雙自

為耦也襄公文姜非其耦猶冠屨之不可雙也

執麻如之何衡

音從反足容

其畝取

七喻反

妻如之何必告

父母既曰告止曷又鞠

居六反止

毛氏曰執樹也衡獵之從獵之種之然後得麻

孔氏曰獵

是行步踐履之名衡古橫字謂既耕而東西踐躡槩

摩之也古者推耒耜而耕不宜縱橫耕田故知是摩

獵之

朱氏曰欲樹麻者先必縱橫耕治其田畝然

也

後可以得麻人之欲娶妻者必先告之於父母然後

可以得妻也今魯桓公之妻文姜也既告而成禮矣

鄭氏曰娶妻之禮議於生者卜於死者

曷為不能禁制

釋文曰衡亦

作橫韓詩云東西耕曰橫從韓詩作由云南北耕曰由

鞠養也納之不正則容有不敢制者今魯侯既以正禮納文姜當蚤裁制之曷為又養其姦而至於極也故後章曰曷又極止

析薪如之何匪斧不克取妻如之何匪媒不得既曰得止曷又極止

毛氏曰克能也 朱氏曰極窮也 李氏曰析薪者

必用斧亦猶取妻者必用媒既以媒而得之矣曷為使極其姦

南山四章章六句

甫田大夫刺襄公也無禮義而求大功不修德而求諸侯志大心勞所以求者非其道也

無田

音

甫田維莠

羊九反

驕驕無思遠人勞心忉忉

音

毛氏曰甫大也忉忉憂勞也楊子曰田甫田者莠

驕驕思遠人者心忉忉

蘇氏曰無田甫田田甫田而力不給則莠盛矣無思遠人

思遠人而德不及則心勞矣田必自其小者始小者
之有餘而甫田可啟矣思遠人則必自其近者始近
者之既服而
遠人自至矣

無田甫田維莠稂稂

居竭反

無思遠人勞心怛怛

旦未反

毛氏曰稂稂猶驕驕怛怛猶忉忉

驕驕稂稂皆稂莠侵陵嘉穀之狀

婉

於阮反

兮嬾

力轉反

兮總角卬

古惠反

兮未幾

居宜反

見兮突

吐納反

而弁兮

毛氏曰婉嬾少好貌總角聚兩髦也卬幼稚也釋

文曰方言曰凡卒相見謂之突 毛氏曰弁冠也

孔氏

曰周禮掌冠冕者謂之弁師則弁者冠之大號

孔氏曰言有童子婉孌總

聚其髮以為兩角卽然幼稚如此與別未經幾時而更見之突然已加冠弁為成人 蘇氏曰總角之童而至於突然弁也豈其求之哉其道則所有必至也君子之得諸侯亦未嘗求之矣苟修其身而治其政令諸侯不來而將安往

苟由其道而循其叙則小者俄而大微者俄而著

厥德脩罔覺非計功求獲者所能與也

甫田三章章四句

盧令

音零

刺荒也襄公好

呼報反

田獵畢弋而不脩民事百

姓苦之故陳古以風

福鳳反

焉

孔氏曰畢弋掩兔網小而柄長謂之畢

盧令令其人美且仁

毛氏曰盧田犬

孔氏曰犬有田犬守犬戰國策云韓國盧天下之駿犬東郭逵海內之狡

兔是盧為田犬也

令令纓環聲

孔氏曰環在犬之領下如人之冠纓然

言

人君能有美德盡其仁愛百姓欣而奉之愛而樂之

順時遊田與百姓共其樂同其獲故百姓聞而說之

其聲令令然

孔氏曰孟子曰今王田獵於此百姓聞王車馬之音見羽旄之美舉欣欣然有

喜色而相告與民同樂也此百姓悅之也

董氏曰韓詩作盧泠泠說文

引詩作獬

盧重

直龍反

環其人美且鬢

音權

毛氏曰重環子毋環也

孔氏云謂大環貫一小環也

鬢好貌

盧重鉤

音梅

其人美且偲

七才反

毛氏曰鉤一環貫二也

孔氏云謂一大環貫二小環也

偲才也

說文云偲

也強

盧令三章章二句

敝筍

古口反

刺文姜也齊人惡

烏路反

魯桓公微弱不能防

閑文姜使至淫亂為二國患焉

釋文曰桓公軌亦名允

隱公弟朱氏曰防所

以止水閑所以杆物故防閑有禁制之意孔氏曰閑桂桓也

敝筍在梁其魚魴

音房

鰓古顏反

齊子歸止其從

才用反

如雲

毛氏曰興也

筍梁解見谷風

陸氏草木疏云魴

今伊洛濟潁魴魚也廣而薄肥恬而少力細魚之美

者 勃海胡氏曰毛云鰥大魚孔穎達引孔叢子鰥
魚其大盈車鄭云鰥魚子以魴鱖為比則鰥非大盈
車者亦非魚子蓋魴鰥鱖及唯唯者皆魚之可制者
也為其筭之微敗而不能制者也文姜本可以防閑
而制之由魯桓微弱不能防閑文姜致文姜驕伉而
難制也 張氏曰反歸於齊也 毛氏曰如雲言盛
也 楊氏曰其從如雲其從如雨言從之者衆也許
穆夫人思歸唁其兄許人尤之終以義不得而止若

魯桓公剛而有制使魯人無肯從者如許人焉則文姜雖欲適齊尚可得乎

敝筍在梁其魚魴鱖

才呂反

齊子歸止其從如雨

毛氏曰如雨言多也 陸氏草木疏云鱖似魴厚如

頭尤大魚之不美者故里語曰網魚似鱖不如啗茹

其頭尤大而肥者徐州人謂之鯁或謂之鱮

常容反

敝筍在梁其魚唯唯

惟癸反

齊子歸止其從如水

孔氏曰唯唯魚行相隨之貌 毛氏曰水喻衆也

朱氏

曰言其從之者
多如水之流也

釋文曰唯唯韓詩作遺遺

敝笱三章章四句

載驅齊人刺襄公也無禮義故盛其車服疾驅於通道

大都與文姜淫播其惡於萬民焉

朱氏曰按春秋魯莊公之二年冬十有二

月夫人姜氏享齊侯于祝丘五年夫人姜氏如齊師七年春夫人姜氏會齊侯于防冬夫人姜氏會齊侯于穀

載驅薄薄

普各反

簞茀

音弗

朱韜

苦郭反

魯道有蕩齊子發夕

毛氏曰薄薄疾驅聲也簞方文席也車之蔽曰茀諸

侯之路車有朱韜之質而羽飾

孔氏曰謂以簞蔽車之後戶也韜革也獸

皮治去毛曰革謂路車以皮革為木質其上文以翟羽為之飾

朱氏曰夕猶宿也

發夕言離於所宿之舍 蘇氏曰襄公疾驅其車以

會文姜文姜夕發於魯而往會之 釋文第作第

四驪

力駢反

濟濟

子禮反

垂轡滿滿

乃禮反

魯道有蕩齊子豈

開改弟反

毛氏曰四驪言物色盛也

孔氏曰襄公乘其一駟之馬皆是鐵驪之色

濟

濟美貌垂轡轡之垂者滿滿象也齊子豈弟言文姜

於是樂易然 歐陽氏曰文姜安然樂易無慙恥之

色也 釋文湏湏作爾爾曰本亦作湏

齊子宣弟蓋於此而樂易也美惡不嫌同辭

汶水湯湯

音問反

失章

行人彭彭

必亡反

魯道有蕩齊子翱翔

董氏曰汶水有二出泰山萊蕪者西南入沛今須城之汶是也其一出朱虛縣泰山北過淳于縣今濰之

東南有大汶小汶即此是也 毛氏曰湯湯大貌彭

彭多貌翱翔猶彷徨也 鄭氏曰汶水之上蓋有都

焉襄公與文姜時所會

孔氏曰齊在魯北水北曰陽
僖公賜季友汶陽之田汶水

之北尚是魯地
襄公入魯境也

李氏曰言行人之多以見其無恥

也

汶水滔滔

吐刀反

行人儻儻

未驕反

魯道有蕩齊子遊敖

毛氏曰滔滔流貌儻儻衆貌朱氏曰遊敖猶翔翔

也

載驅四章章四句

猗

於宜反

嗟刺魯莊公也

釋文曰莊公同桓公子

齊人傷魯莊公有威儀技藝然而不能以禮防閑其母

失子之道人以為齊侯之子焉

李氏曰大宰問於子貢曰夫子聖者歟何其多能也
子聞之曰吾少也賤故多能鄙事君子多乎哉不多
也後世乃專心於此而忘其本故莊公有威儀技藝
而不免猗嗟之刺昭公習威儀以亟而不能止乾侯
之禍漢成帝善修容儀升車正立不內顧不能制趙
氏之橫雖多才多藝而不能務本何所補哉

猗嗟昌兮頎

音祈

而長兮抑若揚兮美目揚兮巧趨蹌兮

射則臧兮

毛氏曰猗嗟嘆辭昌盛也頎長貌李氏曰抑而若
揚美之盛也揚目之動也王氏曰趨蹌之巧也

鄭氏曰臧善也朱氏曰極稱其威儀技藝之美所

以刺其不能以禮防其母也若曰惜乎其特少此耳

猗嗟名兮美目清兮儀既成兮終日射

食亦反

侯不出正

音征兮展我甥兮

朱氏曰名猶稱也言其威儀技藝之可名也清目清

明也

毛氏曰目上為名目下為清

王氏曰儀既成兮言其威儀

之備也

朱氏曰侯張布而射之也

毛氏曰二尺

曰正

孔氏曰正者侯中所射之處周禮大射則張皮侯而設鵠賓射則張布侯而畫正正以絲畫為

之侯身長一大八尺者正方六尺侯身長一丈四尺者正方四尺六寸侯身長一丈者正方三尺三寸其外之廣雖不同其內皆方二尺王射五正畫中朱次白次蒼次黃玄居外諸侯射二正損玄黃孤卿大夫士同射二正去白蒼而畫以朱綠正之言正也射者內志正則能中亦烏名齊魯之間名有題為捷黜射之難中以

鄭氏曰展誠也姊妹之子曰甥 朱氏

曰言稱其為齊之甥也而又以見其非齊侯之子此

詩人之微辭也

猗嗟變兮清揚婉兮舞則選

反雪戀

兮射則貫兮四矢反

兮以禦亂兮

王氏曰變壯好貌婉好眉目也

朱氏曰目清而眉揚故謂目為清眉為揚

選齊

孔氏曰善舞齊於樂節也

貫中

王氏曰貫而中革

四矢乘矢

鄭氏

曰反復也禮射三而止每射四矢皆得其故處此之

謂復 范氏曰射足以禦亂而禮不足防淫故卒章

深非之 釋文反韓詩作變

四矢反兮以禦亂兮蓋稱莊公弓矢之精可以禦
亂觀其以金僕姑射南宮長萬則可見矣說者或
謂詩人諷莊公當用以禦亂非也是詩譏刺之意
皆在章外一章嘆其威儀技藝之美也二章復嘆
其威儀技藝宜為我甥也三章復嘆其威儀技藝
可以禦亂也嗟嘆再三而莊公所大闕者不言可
見矣

猗嗟三章章六句

齊國十一篇三十四章百四十三句

呂氏家塾讀詩記卷九

欽定四庫全書

呂氏家塾讀詩記卷十

宋 呂祖謙 撰

魏

鄭氏詩譜曰魏者虞舜夏禹所都之地在禹貢冀州

雷首之北析城之西周以封同姓焉

孔氏曰左傳曰虞虢焦滑霍揚

韓魏皆姬姓是與周同姓也

其封域南枕河曲北涉汾水昔舜耕

於厯山陶於河濱禹菲飲食而致孝乎鬼神惡衣服

而致美乎黻冕卑宮室而盡力乎溝洫此一帝一王

儉約之化於時猶存今魏君嗇且褊急不務廣修德

於民教以義方其與秦晉鄰國日見侵削國人憂之

孔氏曰桓四年左傳曰秦師圍魏是秦數伐之當周平桓之世魏之變風始

作至春秋魯閔公元年晉獻公竟滅之

前漢地理志云魏在晉之

南河曲其詩曰彼汾一曲寘之河之側水經注故魏國城南西並去大河可二十餘里北去首山十餘

里處河山之間土地迫隘故魏風著十畝之詩也

葛屨

俱具反

刺褊

必淺反

也魏地陘

音洽

隘

於解反

其民機巧趨

利其君儉嗇

音色

褊急而無德以將之

范氏曰魏俗所以機巧趨利如此者

君心之所為也故是詩唯刺其褊

廣漢張氏曰夫子謂與其奢也寧儉則儉雖失中本非惡德然而儉之過則至於吝嗇迫隘計較分毫之間而謀利之心始急矣葛屨汾沮洳園有桃三詩皆言其急迫瑣碎之意

糾糾

吉勑反

葛屨可以履霜摻摻

所衛反

女手可以縫裳要

於遠反

之袼

紀力反

之好人服之

孔氏曰糾糾稀疏之貌

朱氏曰糾糾絲
庚寒涼之意

毛氏曰夏

葛屨冬皮屨摻摻猶纖纖也

朱氏曰女婦未見

賢

反之稱也

鄭氏曰裳男子之下服

孔氏曰以婦人
之服不殊裳故

知男子之下服也曲禮曰諸母不漱裳唯舉裳
不漱則衣可漱明裳為賤絲音了漱恚候反

毛

氏曰要褻也褫領也

孔氏曰要是裳褻褫為衣
領說文亦云褫衣領也

范

氏曰好人女而未婦為容好者也

毛氏曰好人
好女手之人

孔氏

曰服之整治之也

鄭氏曰魏俗至冬猶謂葛屨可

以履霜

孔氏曰新來嫁猶謂之可以縫衣裳 毛

氏曰婦人三月廟見然後執婦功 范氏曰非特使
之縫裳而又服要褊之功其儉嗇且急亦已甚矣

蘇氏曰君子之為國致隆而極廣焉故其降也猶可
以不陷今葛屨而以履霜及其暑也將安用矣婦之
未廟見也而使之縫裳及其成為婦也將安使之矣

說文摻作攝山康反云好手貌

董氏曰石
經作攝

好人提提

徒兮反

宛

於阮反

然左辟

音避

佩其象揅

勅帝反

維是

褊心是以為刺

毛氏曰提提安諦

音帝也范氏曰安徐也

宛辟貌

朱氏曰宛然讓之貌也

婦至門夫揖而入不敢當尊宛然而左辟

蘓氏曰讓而辟者必

左孔氏曰不敢當主故就客位

朱氏曰掃所以摘髮用象為之貴

者之飾也

蘓氏曰女子始嫁而治其威儀其修如

此而可以賤事使之與然褊者以為為是無益故為

其益者而至於縫裳也唯君子則不然懼其不容降

矣

鄭氏曰婦新至慎於威儀如是使之非禮

葛屨二章一章六句一章五句

汾

反扶云

沮

反子預

如

反如預

刺

儉也

其君儉

以能勤

刺不得

禮也

孔氏曰王肅孫毓

敘云君子儉以能

勤案今定本及諸本敘直云其

皆以為大夫采萊崔靈恩集注

敘直云其

得通

君義亦

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

得通

彼汾沮洳言采其莫

音慕

彼其之子

美無度

美無度

殊異

乎公路

毛氏曰汾水也

說文曰汾出大原晉陽山西南入河

蘓氏曰汾水出於晉其流及魏

水浸處下濕之地也

莫菜也

孔氏

氏

乎公路

毛氏曰汾水也

說文曰汾出大原晉陽山西南入河

蘓氏曰汾水出於晉其流及魏

水浸處下濕之地也

莫菜也

孔氏

氏

氏

氏

氏

氏

氏

氏

氏

氏

沮洳其漸

反接康

如者

朱氏曰汾水名沮洳

水浸處下濕之地也

莫菜也

孔氏

氏

氏

氏

氏

氏

氏

氏

氏

氏

氏

曰莫菜者葉似柳葉厚而長有毛刺
今人縲以取繭緒五方通之謂酸迷

鄭氏曰無度

言不可以尺寸

孔氏曰不可以尺寸量也

是子之德美信無度矣

雖然其采莫之事則非公路之禮也公路主君之軺車庶子為之晉趙盾為軺車之族是也 朱氏曰儉嗇不似貴人也 董氏曰韓詩三章皆作彼已之子其義則同

彼汾一方言采其桑彼其之子美如英美如英殊異乎

公行

戶郎反

朱氏曰一方彼一方也史記扁鵲視見坦一方人

范氏曰英者艸木之華也 鄭氏曰公行者主君公

車之行列

孔氏曰公路公行一官也晉成公官卿之適以為公族其庶子為公行趙盾謂耗車

之族杜預云公行之官是也官音患耗音毛

彼汾一曲言采其蕢

音續

彼其之子美如玉美如玉殊異

乎公族

朱氏曰一曲謂水曲流處 毛氏曰蕢水蕢

音昔也孔氏

曰水蕢如續斷寸寸有節拔之可復陸璣云今澤蕢也葉如車前

鄭氏曰公族主

君同姓昭穆也

孔氏曰左傳曰晉荀會樂廣韓無忌為公族大夫使訓卿之子弟是公族

主君之同姓

歷音默

汾沮洳三章章六句

園有桃刺時也大夫憂其君國小而迫而儉以嗇不能

用其民而無德教日以侵削故作是詩也

范氏曰魏君儉而不取焉

而不施君不能發政施仁而民亦無以趨事勸功上下相離君民相棄君獨行之於上而臣民不以為非此詩所以刺時也

園有桃其實之殽心之憂矣我歌且謠

音遙

不知我者謂

我士也驕彼人是哉子曰何其

音基

心之憂矣其誰知之

其誰知之蓋亦勿思

毛氏曰興也園有桃其實之食國有民得其力程

氏曰觀此詩可見其憂深思遠矣所刺者不能用其

民耳不能用其民則不能治豈復有德教其致侵削

可知也國無政事則亡故詩人憂思之深也桃果之

賤者園有桃亦用其實以為穀興國有民雖寡能用

則治今不能用其民故心憂之至歌且謠誦詠之為

謠

毛氏曰曲合樂曰歌徒歌曰謠
徒歌謂之謠謠既徒歌則歌不徒矣故曰曲合樂

曰歌樂則琴瑟行葦傳曰歌者合於琴瑟也歌謠對文如此散則歌未必合樂也

重言人不

知者不思耳其情至深切也 王氏曰儉而非之則

疑於驕 鄭氏曰彼不知我心之所憂者反以我為

驕慢而曰彼君之所為已是矣而子之言獨何為哉

蓋舉國之人莫覺其非而反以憂之者為驕也故曰

心之憂矣其誰知之重言其誰知之而曰蓋亦勿思

蓋曰此之可憂較然易知彼之非我特未之思耳誠

思之則將不暇非我而自憂矣

園有棘其實之食心之憂矣聊以行國不知我者謂我
士也罔極彼人是哉子曰何其心之憂矣其誰知之其
誰知之蓋亦勿思

毛氏曰棘棗也 鄭氏曰聊且略之辭也聊出行於

國中以寫憂

程氏曰行國猶駕
言出遊以寫我憂

范氏曰謂我士也

罔極言責君無已也

園有桃二章章十二句

陟岵孝子行役思念父母也國迫而數

音朔

侵削役乎大

國父母兄弟離散而作是詩也

鄭氏曰役乎大國者為大國所徵發

陟彼岵

音戶

兮瞻望父兮父曰嗟予子行役夙夜無已上

慎旃哉猶來無止

毛氏曰山無艸木曰岵

孔氏曰釋山云多艸木岵無艸木岵與傳正反說文曰

岵山有艸木也岵山無艸木也陳氏曰岵也岵也同也皆山之高处而可以瞻望者詩人各取其一一以

協韻

鄭氏曰無已無懈倦 蘓氏曰上猶尚也

毛氏曰旃之也 蘓氏曰孝子登高以望其父而不

見則思其將行之戒以自慰

廣漢張氏曰直述所以念父之意未若思父所以

以念我之心
之為深切也

孔氏曰我欲行之時父致戒我曰嗟

我子從軍行役之時當早起夜寐無得已止 朱氏

曰尚庶幾慎之哉猶可以來歸無止於彼而不來也

蓋生則必歸死則止而不來矣

陟彼屺

音起

兮瞻望母兮母曰嗟子季行役夙夜無寐上

慎旃哉猶來無棄

毛氏曰山有艸木曰屺季少子

王氏曰尤憐愛少
子者婦人之情也無

寐無者

常志反

寐也母尚恩故曰無棄言無棄母而不

歸也

陟彼岡兮瞻望兄兮兄曰嗟予弟行役夙夜必偕上慎旃哉猶來無死

岡解見卷耳 蘓氏曰必偕必與同役者偕無獨行也

陟岵三章章六句

十畝之間刺時也言其國削小民無所居焉

孔氏曰謂土田陞隘

非謂無居宅也

王氏曰先王建萬國親諸侯使小事大大比小有相
侵者方伯連帥治而正之是以諸侯不失其分地而
庶民保其常生周道衰彊陵弱衆蹙寡天子方伯連
率無以制之有國者亦多不知所以守其封疆此詩
所為作也

十畝之間兮桑者閑閑兮行與子還兮

張氏曰十畝之間場圃之地

又曰周制國郭之外有
聽為場圃之地者疑家

授十畝以毓艸木
以桑則野田不樹桑
漢書食貨云云田中不得有樹

用妨五穀

毛氏曰閑閑然男女無別往來之貌或行來

者或來還者

孔氏曰還兮相呼而共歸下云逝兮相呼而共往傳總解之

孔氏

曰魏雖地狹民稠未必即然舉十畝地以喻其陋隘

耳釋文閑閑作閒閒曰本亦作閑

十畝之外兮桑者泄泄

以世友

兮行與子逝兮

毛氏曰泄泄多人之貌

橫渠指桑地為場圃合於古制但又謂魏地侵削於無井受之田徒有近郭園廛而已則似不然果

如是民將何所食乎政使周制果家賦園廛十畝
魏既削小豈容尚守古濶容或數家井之也況詩
所謂十畝者特甚言之爾未可以為定數也

十畝之間二章章三句

伐檀

待丹反

刺貪也在位貪鄙無功而受祿君子不得進

仕爾

坎坎

若感反

伐檀兮寘之河之干兮河水清且漣

乃纓反

猗

於宜反

不稼不穡胡取禾三百廛

直連反

兮不狩不獵胡瞻

爾庭有縣

音

貍

音

兮彼君子兮不素餐

反

兮

毛氏曰坎坎伐檀聲

朱氏曰檀木可以為車者君

子伐之以自給也

毛氏曰寘置也干厓也

董氏

曰河濁而在岸之干之側之濬者清也 毛氏曰風

行水成文曰漣

孔氏曰釋文云河水清且漣漪大波為瀾小波為漣直波為漣漣雖異

而義同

朱氏曰猗與兮同語辭也按書斷斷猗無他

技大學作兮

毛氏曰種之曰稼斂之曰穡一夫之

居曰廛

孔氏曰廛謂一夫之田百畝也

鄭氏曰是謂在位貪鄙無

功而受祿冬獵曰狩宵田曰獵胡何也貉子曰貉

孔氏

曰視汝之庭則所懸者是貍獸也

彼君子者伐檀之人 毛氏曰素

空也

坎坎伐檀兮寘之河之干兮河水清且漣漪悠然
於河之干遺佚而不怨阮窮而不閔者也國人見
君子在下者如此小人在位者如彼乃責之曰汝
未嘗稼穡禾何為而積汝未嘗狩獵貍何為而來
汝獨不見夫彼河干之君子義不素餐親伐檀以

自食者乎此特旁觀者之辭若所謂伐檀之君子方且陶陶不改其樂豈較短量長者哉

坎坎伐輻

音福

兮寘之河之側兮河水清且直猗不稼不

穡胡取禾三百億兮不狩不獵胡瞻爾庭有縣特兮彼君子兮不素食兮

毛氏曰輻檀輻也

孔氏曰伐檀為車之輻

側猶厓也

蘓氏曰

水平則流直

鄭氏曰十萬曰億三百禾秉之數

孔氏

曰四方百里於今數為九百萬畝而王制云方百里為田九十億畝是億為十萬也三百億與三百厘三

百困相類若為釜斛之數則大多不
類故為禾秉之數謂刈禾之把數

毛氏曰獸三

歲曰特

坎坎伐輪兮寘之河之漚

順倫反

兮河水清且淪

音倫

猗不

稼不穡胡取禾三百困

丘倫反

兮不狩不獵胡瞻爾庭有

縣鷄

晉純

兮彼君子兮不素飧兮

毛氏曰檀可以為輪漚厓也淪小風水成文轉如輪

也

釋文曰韓詩曰順流而風曰淪淪文貌

圓者為困

孔氏曰方者為倉

鷄鳥也

爾雅郭璞注曰鷄鶴之屬也

鶴鳥含反

孰食曰飧

說文曰飧水澆飯也

伐檀三章章九句

碩鼠刺重斂

呂驗反

也國人刺其君重斂蠶食於民不修其

政貪而畏人若大鼠也

孔氏曰蠶食者蠶之食桑漸漸以食使桑盡也猶君重斂漸漸

以稅使民困也

碩鼠碩鼠無食我黍三歲貫

古亂反

女莫我肯顧逝將去

女適彼樂

洛音

土樂土樂土爰得我所

鄭氏曰碩大也大鼠

孔氏曰陸璣云今河東有大鼠能人立交前兩足於頤上跳舞

善鳴食人禾苗人逐則走入樹空中魏國今河東郡河北縣是也言其方物宜有此鼠

毛氏

曰貫事也 鄭氏曰逝往也 朱氏曰爰語辭也

鄭氏曰我事女三歲矣曾無恩德來顧眷我往矣將去女與之訣別之辭 朱氏曰今將去女以適彼樂土而得我之所也

三歲貫女蓋言魏君掎克民當去之久矣姑事之至於三歲而莫我肯顧也猶書所謂天惟五年須暇之之意也

碩鼠碩鼠無食我麥三歲貫女莫我肯德逝將去女適

彼樂國樂國樂國爰得我直

范氏曰莫我肯德者不以我為德也民出力以事上不以為德而反蠶食之此所以去也爰得我直者欲適彼有道之國而赴遡之得其直亦樂矣

碩鼠碩鼠無食我苗三歲貫女莫我肯勞逝將去女適

彼樂郊樂郊樂郊誰之永號

戶毛反

毛氏曰苗嘉穀也 范氏曰莫我肯勞者不以我為

勞也 鄭氏曰郭外曰郊之往也 毛氏曰號呼也

廣漢張氏曰碩鼠之詩聖人所為取者以君失道
如此國人疾之甚而欲去之猶有所未忍絕也故著
其情於詩乃其所未忍絕者也末章誰之永號謂我
將去爾而適樂郊當誰復永號於爾之土者乎此則
无可見其情也 釋文永作咏曰本亦作永 鄭氏曰
永歌也
碩鼠三章章八句

魏國七篇十八章百二十八句

呂氏家塾讀詩記卷十

欽定四庫全書

呂氏家塾讀詩記卷十一

宋 呂祖謙 撰

唐

鄭氏詩譜曰唐者帝堯舊都之地今曰太原晉陽是堯始居此後乃遷河東平陽成王封母弟叔虞於堯之故墟曰唐侯南有晉水至子燮改為晉侯其封域在禹貢冀州大行恒山之西太原太岳之野至曾孫

成侯南徙居曲沃近平陽焉昔堯之末洪水九年下
民其咨萬國不粒於時殺禮以救艱厄其流乃被於
今當周公召公共和之時成侯曾孫僖侯甚嗇愛物
儉不中禮國人閔之唐之變風始作其孫穆侯又徙
於絳云

孔氏曰昭公之時分曲沃以封桓叔則昭公以前已徙絳矣穆侯以後晉桓都絳昭侯以

下又徙於冀在平陽絳邑縣東及武公又都絳邑

前漢地理志云河東本

唐堯所居詩風唐國也其民有先王遺教君子深思
小人儉嗇故唐詩蟋蟀山有樞葛生之篇曰今我不

樂日月其邁宛其死矣他人是愉百歲之後歸于其

居皆思奢儉之中念死生之慮

蟋

音蟀 所律

刺晉僖公也

孔氏曰僖侯司徒共時

儉不中

丁仲

反

禮故作是詩以閔之欲其及時以禮自虞樂

音洛

也此

晉也而謂之唐本其風俗憂深思

息嗣反

遠儉而用禮乃

有竟之遺風焉

張氏曰晉以土地薄民貧故其俗本來儉儉而用禮乃有竟之遺風指詩人而

言也唯晉詩此意為多可以意求 范氏曰人之憂樂如畫之有夜陰之有陽君子以禮節之不過乎中而已所以順天地而理情性也僖公有國而不能自樂慘戚以窮年此猶有夜而無晝有陰而無陽也故君子閔之

楊氏曰晉之為晉久矣風俗之成非一日之積蟋蟀之詩蓋風之變也國人閔其君欲其及時以禮自虞樂也而卒告之以好樂無荒可謂有禮矣昭公政荒民散四鄰謀取其國家而不知則作詩以刺之可謂憂思深遠矣當是時風雖變堯之遺風未亡也及沃盛強國人將叛而歸焉則不復有禮矣蓋風俗之成壞皆非一日之積所謂繫一人之本者其有見於斯歟

蟋蟀在堂歲聿

允橘反

其莫

音暮

今我不樂

音洛

日月其除

直慮

反無已太康職思其居

音據好

反報樂無荒良士瞿瞿

俱具

反

毛氏曰蟋蟀螽

俱勇反

也

孔氏曰郭璞云今趨織也陸璣曰似蝗而小黑如漆有

角翅九月在堂聿遂也

孔氏曰當九月則歲未暮過此月則歲將莫是歲實未暮而云

聿暮故知聿為遂遂音從始嚮末之言也

除去已甚也

朱氏曰太康過

於樂也

毛氏曰職主也

廣漢張氏曰居謂其位

也

鄭氏曰當主思於所居之事謂國中政令

鄭氏曰荒廢亂也良善也

當如善士瞿瞿然 陳氏曰瞿瞿鳥前而喙却而顧之貌也 廣漢張氏曰僖公徒從事於儉嗇而不知為國專務於小而不慮於大是以詩人閔之人之情惟其急迫狹隘拘於一曲則其思慮不能以及遠故詩人先欲開廓其心胷謂歲且晚矣不可以不念所以自樂者然樂不可過甚也於是而思吾之所當思者夫有以自樂則庶幾舒泰和豫而無拘迫之患樂而無荒則斯能周旋四顧而所憂者必得則夫政之所

當務與夫患之所當防者斯可以次而理矣

蟋蟀在堂歲聿其逝今我不樂日月其邁無已太康職

思其外好樂無荒良士蹶蹶

俱衛反

朱氏曰逝邁皆去也 歐陽氏曰職思其外者謂國

君行樂有時使不廢其職事而更思其外耳謂廣周

慮也

陳氏曰事變有出於非常思慮之所不及者皆當有備

毛氏曰蹶蹶動

而敏於事

蟋蟀在堂役車其休今我不樂日月其惱

吐刀反

無已太

康職思其憂好樂無荒良士休休

鄭氏曰庶人乘役車

孔氏曰春官巾車云役車方箱可載任器以供役收納禾稼亦

用此

役車休農功畢無事也

毛氏曰惱過也

朱

氏曰休休安閒之貌樂而有節不至於淫所以安也

是詩欲僖公之自虞樂而曰無已太康好樂無荒

無乃太早計乎凡人之情解其拘者或失於縱廣

其儉者或流於奢故疾未已而新疾復生者多矣

信矣唐風之憂深思遠也

蟋蟀三章章八句

山有樞

鳥侯反

刺晉昭公也

孔氏曰昭伯文侯子

不能修道以正其

國有財不能用有鐘鼓不能以自樂有朝廷不能灑

所懈

反

掃蕝報反

政荒民散將以危亡四鄰謀取其國家而不

知國人作詩以刺之也

呂氏曰有鐘鼓不能以自樂非其節也有財不能用非其愛也

有朝廷不能以灑掃非不好潔也大抵無政不能令其

下當然無所知將為他人有也廣漢張氏曰山有樞

之詩蓋傷之深也謂他人謀子之國後嗣且不可保矣

子有衣裳車馬何不曳婁不馳驅子有廷內何不灑掃

子有鐘鼓何不鼓政子有飲食何不鼓瑟以喜樂以引

日一旦宛然而死則為他人之所有是傷之深也雖然

昭公唯其顏墮不立百事廢弛以至此極使其於物能用之以其節而舉之以其時則又能自強於政凡所施為各有條理不至若是其危殆矣故不曰閔而曰刺焉

山有樞隰有榆

反以朱

子有衣裳弗曳弗婁

反力俱

子有車

馬弗馳弗驅宛

反於阮

其死矣他人是愉

反以朱

毛氏曰興也樞莖

反田節

也

反孔氏曰郭璞

陸璣疏云今之刺榆

如

柘其葉如榆為茹美滑於白榆也榆之類有十種葉皆相似皮及理異耳

爾雅曰榆白

粉

爾雅疏曰榆之皮色白者名粉郭璞云粉榆先生葉却著莢皮色白

孔氏曰曳者

衣裳在身行必曳之

毛氏曰婁亦曳也

孔氏曰

走馬謂之馳策馬謂之驅

毛氏曰宛死貌

朱氏曰坐見死

貌愉樂也

朱氏曰山則有樞矣隰則有榆矣子有

衣裳車馬而不服不乘若一旦宛然以死則它人取之以為已樂矣

山有栲

音考

隰有杻

女久反

子有廷內弗灑弗掃子有鐘鼓

弗鼓弗考宛其死矣他人是保

毛氏曰栲山樗

孔氏曰栲似樗色少白亦類漆樹俗語曰樗栲漆相似如一

杻櫪

也

孔氏曰杻葉似杏而尖材可為弓弩幹

櫪救書反櫪於力反

洒灑

色蟹反

也

孔氏曰洒

謂以水濕地而掃之故
轉為灑灑是散水之名

考擊也

鄭氏曰保居有也

孔氏曰居
而有之

山有漆

音七

隰有栗子有酒食何不日鼓瑟且以喜樂且

以永日宛其死矣他人入室

毛氏曰君子無故琴瑟不離

力智反

於側永引也

朱

氏曰人多憂則覺日短飲食作樂可以引長此日也

詩人豈真欲昭公馳驅飲樂者哉蓋曰是物也行

且為他人所有曾不若及今為樂之為愈其激發

感切之者深矣非勸其為樂也呂祿棄軍其姑呂
頹悉出珠玉寶器散堂下曰毋為他人守也乃此
詩之意也末章尤可見

山有樞三章章八句

揚之水刺晉昭公也昭公分國以封沃

烏毒反

沃盛彊昭

公微弱國人將叛而歸沃焉

朱氏曰按左傳史記晉穆侯之太子曰仇其弟曰成

師穆侯薨仇立是為文侯文侯薨昭侯立封成師于曲沃師服諫曰吾聞國家之立也本大而末小是以能固故天子建國諸侯立家今晉甸侯也而建國本既弱矣其能久乎成師卒諡曰桓叔

揚之水白石鑿鑿

子洛反

素衣朱襮

音博

從子于沃既見君

子云何不樂

音洛

毛氏曰興也

揚之水解見王風

毛氏曰鑿鑿然

鮮明貌

陳氏曰鑿鑿然巉巖

襮領也諸侯繡黼丹朱中衣

孔氏曰釋

器黼領謂之襮孫氏注云繡刺繡文以襮領郊特牲云繡黼丹朱中衣大夫之僭禮也大夫服之則為僭知諸侯當服之也中衣者朝服祭服之裏衣也其制如深衣以素為衣丹朱為緣繡黼為領

鄭

氏曰國人欲進此服去從桓叔 毛氏曰沃曲沃

孔氏

曰曲沃在河東聞喜縣

鄭氏曰君子謂桓叔

歐陽氏曰揚

之水其力弱不能流移白石興昭公微弱不能制曲
沃而桓叔之強於晉國如白石鑿鑿然見於水中爾
其民從而樂之則詩文自見

揚之水白石皓皓

古老反

素衣朱繡從子于鵲既見君子

云何其憂

毛氏曰皓皓潔白也繡黼也

孔氏曰謂於繒之上繡刺以為黼非訓繡為黼

也

鵲曲沃邑云何其憂言無憂也

董氏曰崔靈恩

集注本作素衣朱綃

鄭氏曰繡當為綃綃名郊特牲疏曰魯詩云素

絳朱

揚之水白石粼粼我聞有命不敢以告人

毛氏曰粼粼清澈也

說文曰水生涯石間曰粼粼

蘓氏曰命桓

叔之政命也聞而不敢以告人為之隱也桓叔將以

傾晉而民為之隱欲其成矣

李氏曰古者不軌之臣欲行其志必先施小惠

以收衆情然後民翕然從之田氏之於齊亦猶桓叔之於晉田氏以家量貸民而以公量收之國人愛之如父母其後召公子陽生於魯而立之陽生夜至於齊國人知之而皆不言所謂我聞有命不敢以告人也

揚之水三章二章章六句一章四句

椒聊刺晉昭公也君子見沃之盛彊能修其政知其蕃

音衍

延善反

盛大子孫將有晉國焉

椒聊之實蕃衍盈升彼其之子碩大無朋椒聊且

子餘反

遠條且

毛氏曰興也椒聊椒也

陸璣疏云聊語助也

董氏曰崔靈恩

集注謂古者為升上徑一寸下徑六分其深八分

本艸

同今以兩手為掬則掬大於升矣鄭氏曰之子是

子也謂桓叔也

毛氏曰朋比也

釋文云謂無比例

陳氏

曰是椒也其條遠矣言子孫大也

范氏曰椒聊且者本其始也遠條且

者言其枝別將遠而無窮也

椒聊之實蕃衍盈匊

九六反

彼其之子碩大且篤椒聊且

遠條且

毛氏曰兩手為匊

范氏曰盈匊者不復以升較言益多也呂氏曰古量二升曰匊

大於升篤厚也

椒聊二章章六句

綱

直留反 繆亡侯

刺晉亂也國亂則昏姻不得其時焉

范氏

曰昏姻者人之情而天地之理也不得其時則人情失而天地之理違矣

綱繆束薪三星在天今夕何夕見此良人子兮子兮如此良人何

毛氏曰興也綱繆猶纏綿也

孔氏曰綱繆是束薪之狀故云猶纏綿也

鄭氏曰三星謂心是也為二月之合宿

孔氏曰二月日體在戌而

斗柄建卯初昏之時心星在於卯故嫁娶者以為候

焉昏而不見嫁娶之時也今乃見其在天則不得其

時

毛氏曰三星參也始見可以嫁娶孔氏曰毛以秋冬為昏時王肅云謂十月也

張氏

曰今夕何夕見此良人言此時可以見也 王氏曰

見此良人言女子之失時者也 孔氏曰子兮子兮

自嗟歎也 曾氏曰子兮子兮如此良人何終不遂

之辭也

綢繆東芻三星在隅今夕何夕見此邂逅

戶懈反

逅子

兮子兮如此邂逅何

王氏曰今夕何夕見此邂逅以失時也故思不期而

會焉

廣漢張氏曰若謂為昏姻則不得稱邂逅免之遺風只是儉而用禮一事亦不必事事稱有遺

也風

釋文逅作覲曰本又作逅韓詩云逅覲不固之

貌

綢繆束楚三星在戶今夕何夕見此粲

采旦反

者子兮子

兮如此粲者何

王氏曰見此粲者言男子之失時也 李氏曰國語

雖曰三女為粲而又曰粲美物也是言美女也

三星見則非昏姻之時在天在隅在戶隨所見而互

言之不必以為時之先後方東薪而見三星慨然
有感於男女失時而其不期而見又似於男女適
然相遇也故歎息而言曰是夕也男女儻相見其
樂當如何曰良人曰祭者蓋互為男女之辭以極
其思望之情耳

綢繆三章章六句

杖徒反

細

杜刺時也君不能親其宗族骨肉離散獨居而

無兄弟將為沃所并

必政反爾

有秋之杜其葉滑滑

反私敘

獨行踽踽

反俱禹

豈無他人不

如我同父嗟行之人胡不比

反毗志

焉人無兄弟胡不攸

七刺
焉

毛氏曰興也秋特生貌杜赤棠也

孔氏曰陸璣云赤棠與白棠同耳但

子有赤白美惡子白色為白棠甘棠也少酢滑美赤棠子澁而酢無味

王氏曰滑滑

潤澤也毛氏曰踽踽無所親也

范氏曰比親也

毛氏曰攸助也

有秋之杜其葉菁菁

反子零

獨行眾眾

反求營

豈無他人不

如我同姓嗟行之人胡不比焉人無兄弟胡不伙焉

毛氏曰菁菁葉盛也眾眾無所依也 董氏曰崔靈

恩集注伙作次

杜雖特生然此詩方云其葉湑湑其葉菁菁即非
以此晉君不親宗族也蓋言晉公室枝葉彫落曾
杖杜之不如也獨行踽踽言孤立無親豈無他人
不如我同父言他人之不足恃嗟行之人胡不比
焉人無兄弟胡不伙焉言苟以他人為可恃則嗟

彼行道之人胡不自相親比也凡人無兄弟者胡不外求欣助也蓋深曉晉君以行道之人必不相親比苟非兄弟必不相欣助信乎豈無他人不如我同父也

扶杜二章章九句

羔裘刺時也晉人刺其在位不恤其民也

羔裘豹祛

起居反

自我人居居豈無他人維子之故

陳氏曰羔裘上下通服君純羔大夫間之以羔為裘

以豹飾祛

玉藻曰羔裘豹飾緇衣以裼之鄭氏曰羔裘豹祛在位卿大夫之服也

鄭

氏曰祛袂也

孔氏曰袂是袖之大名祛是袖頭之小稱

自用也居居懷惡

不相親比之貌

孔氏曰爾雅云居居究惡也李巡曰居居不狎習之惡

朱氏

曰在位者不恤其民故在下者謂之曰彼服是羔裘

豹祛之人 孔氏曰用使我之衆人居居然有悖惡

之色不與民相親不憂我之困苦我豈無他人可歸

往乎維子之故舊恩好不忍去耳

羔裘豹褰

徐救反

自我人究究豈無他人維子之好

呼報反

毛氏曰褻猶祛也究究猶居居也

孔氏曰孫炎云究究窮極人之惡

鄭氏曰我不去而歸往他人者乃念子而愛好之

也民之厚如此亦唐之遺風

孔氏曰北風刺虐則云攜手同行碩鼠則云適

彼樂國皆無顧戀之心此則念其恩好不忍歸他人之國其情篤厚如此亦是唐之遺風

釋文

褻作褻曰本又作褻

羔裘二章章四句

鵠

音保

羽刺時也昭公之後大亂五世君子下從征役不

得養

羊亮反

其父母而作是詩也

朱氏曰昭公七年潘父弑昭公而納桓叔不克

晉人立昭公之子平為孝侯孝侯八年曲沃桓叔卒子
鮮立是為莊伯代翼殺孝侯晉人立其弟鄂侯六年莊
伯伐翼鄂侯奔隨王命虢公伐曲沃而立鄂侯之子先
是為哀侯元年翼人復逆鄂侯而納諸鄂二年莊伯卒
子稱立是為武公九年武公伐翼逐翼侯于汾隰夜獲
之晉人立哀侯之子是為小子侯小子侯四年武公又
殺之明年遂滅翼王命虢仲更立哀侯之弟緄二
十八年武公又殺之自孝侯至是大亂五世矣

肅肅鵠羽集于苞栩

汎鵠反

王事靡盬

音占

不能蓺

魚世反

稷

黍父母何怙

音戶

悠悠蒼天曷其有所

毛氏曰興也肅肅鵠羽聲也鵠之性不樹止

王氏曰肅肅疾

苦孔氏曰鵠羽連蹄樹立則為危

集止也

孔氏曰

孫炎曰物叢生曰苞

爾雅曰苞稂相迫迫相致也稂之忍反迫側

百反相口本反致直置反

毛氏曰栩杼

食汝反也

孔氏曰栩杼今

皂或為皂汁可以染皂

監不攻致也

孔氏曰監與盥字異義同左傳

於文皿盥為盥殺之飛亦為盥然則盥害器敗殺者皆謂之盥是盥為不攻牢不堅致之意也

鄭

氏曰蓺樹也

毛氏曰怙恃也

鄭氏曰曷何也君

子從征伐其為危苦如鵠之樹止我迫王事不能播

種五穀我父母將何怙乎孔氏曰悠悠乎蒼天何

時使我得其所乎人窮則反本困則告天也

肅肅鵠翼集于苞棘王事靡盬不能藝黍稷父母何食
悠悠蒼天曷其有極

蘓氏曰極止也 范氏曰曷其有極者言勞役之無
已也

肅肅鵠行

戶郎反

集于苞桑王事靡盬不能藝稻粱父母

何嘗悠悠蒼天曷其有常

蘓氏曰行列也

爾雅曰蠶

亡昆反

赤苗苞

苞紀反

白苗

郭璞曰赤苗今之赤梁粟白苗今之白梁粟也 朱

氏曰嘗食也 范氏曰思得休息以反其常厭亂之甚也

鵠羽三章章七句

無衣美晉武公也武公始并

卑政反

晉國其大夫為

于偽反

之請命乎天子之使

所史反

而作是詩也

孔氏曰左傳桓八年王使立緡

于晉至莊十六年乃云王使虢公命曲沃伯為晉侯不言滅晉之事晉世家云晉侯緡立二十八年曲沃武公伐晉滅之盡以其寶器略周僖王僖王命曲沃武公為晉君計緡以桓八年立至莊十六年乃得二十八年然則虢公命晉侯之年始并晉也虢公未命晉之前有使適晉晉大夫就之請命

程氏曰武公始有晉國而能請命天子故詩人美之

美其所可美也

劉氏曰晉武公兼其宗國則君子曷為美之曰否此之謂變風變風者變

於正也變之中有美美之中有刺取其一節不兼其義無衣之詩其力足以兼國然而不自安也待天子之命然後安是之取爾

豈曰無衣七兮不如子之衣安且吉兮

毛氏曰侯伯之服七命冕服七章

周禮注鷩冕七章衣三章一曰華蟲

畫以雉即鷩也二曰火三曰宗彝皆畫為繪裳四章一曰藻二曰粉米三曰黼四曰黻皆紵以為紡

趾知諸侯不命於天子則不成為君 孔氏曰就天

子之使請衣故云子之衣 蘓氏曰以晉之力豈不足以為是七章之衣兮然不如子賜我安且吉也

豈曰無衣六兮不如子之衣安且燠兮

鄭氏曰變七言六者諫也不敢必當侯伯得受六命

之服列於天子之卿猶愈乎不

孔氏曰六者子男之服也子男之服以五

為節

而曰六者天子之卿六命與子男同服故也

毛氏曰天子之卿六命車旗衣服以六為節

程氏曰燠暖亦謂安耳

呂氏曰義理有所未安雖食不飽雖衣不暖

喬琳為朱泚吏部尚書選人白前所注某官不便

琳答曰足下謂此選竟便乎朱泚雖有吏部選而不可謂之便晉國雖有冕服苟無天子之命亦不可謂之安且吉安且燠也琳之為泚臣王師復振旦夕誅滅宜其發此言若武公之篡當東周之衰雖以技代宗豈即有禍是詩之作乃其中心誠有所大不安也玩其辭氣與劉仁恭求長安本色之語異矣仲尼錄之所以見秉彛之不可殄滅而王綱之猶可舉也以史記左傳攷之平王二十六年

晉昭侯封季弟成師於曲沃專封而王不問一失也平王三十二年潘父弑昭侯欲納成師而王又不問二失也平王四十七年曲沃莊公弑晉孝侯而王又不問三失也桓王二年曲沃莊伯攻晉王非特不能討曲沃反使尹氏武氏助之及曲沃叛王王尚能命虢伐曲沃立晉哀侯使其初師出以正豈止於此乎四失也桓王十三年曲沃武公弑晉小子侯王雖不能即討明年猶能命虢仲立晉

哀侯之弟緡于晉又明年猶能命虢仲芮伯梁伯
荀侯賈伯伐曲沃至是武公篡晉僖王反受賂命
之為諸侯五失也以此五失觀之則禮樂征伐移
於諸侯降於大夫竊於陪臣其所由來者漸矣

無衣二章章三句

有杖之杜刺晉武公也武公寡特兼其宗族而不求賢

以自輔焉

孔氏曰武公初兼宗國而不求賢故刺之

有杖之杜生于道左彼君子兮噬肯適我中心好

反時報

之曷飲

反於鴟

食

音之

毛氏曰興也

鄭氏曰杜

音弟

杜特生陰寡道左道東

也

蘇氏曰噬逝通

朱氏曰噬發語辭也

范氏曰杜陰至

寡也然以生於道左而人得休息焉武公兼其宗族

又不求賢以自輔孤特如此則是杜之不若也 朱

氏曰寡特不足恃賴則彼君子亦不肯適我矣 陳

氏曰使武公誠實有好賢之心唯恐無以飲食賢者

則賢者自來矣

釋文曰韓詩噬作逝

有秋之杜生于道周彼君子兮噬肯來遊中心好之曷
飲食之

毛氏曰周曲也 釋文曰周韓詩作右

有秋之杜二章章六句

葛生刺晉獻公也好攻戰則國人多喪

息浪反

矣

孔氏曰獻公旣

諸武公子按左傳莊二十八年傳稱晉伐驪戎閔元年
傳曰晉侯作二軍以滅耿滅魏二年傳曰晉侯使太子
申生伐東山臯落氏僖二年晉師滅下陽五年傳曰八
月晉侯圍上陽冬滅虢又執虞公八年傳稱晉里克敗
狄于采桑見於傳者已如此是具好攻戰也國人或
死行陣或見囚虜是以多喪 陳氏曰逃亡曰喪

程氏曰此詩思存者非悼亡者

葛生蒙楚歟

音廉

蔓于野予美亡此誰與獨處

毛氏曰興也葛生延而蒙楚歟生蔓於野喻婦人外

成於它家

孔氏曰葛生延蔓而蒙於楚木歟亦生蔓而蒙於野中陸璣疏云歟似枯樓葉盛而

細程氏曰葛之生託於物歟之生依於地興婦人依君子

鄭氏曰我所美之

人謂其君子也朱氏曰予之所美者獨不在是

程氏曰誰與乎獨處而已

葛生蒙棘歟蔓于域予美亡此誰與獨息

卷十一
毛氏曰域塋域也

角枕粲兮錦衾爛兮予美亡此誰與獨旦

毛氏曰粲爛華美鮮明之貌

范氏曰角枕之粲錦衾之爛則其嫁未久也

程氏曰獨旦獨處至旦也

朱氏曰自夜至旦也

夏之日冬之夜百歲之後歸于其居

朱氏曰夏之日日永之時也冬之夜夜永之時也

鄭氏曰思者於晝夜之長時尤甚故極言之以盡情

居墳墓也言此婦人專壹義之至情之盡

廣漢張氏曰葛生之

詩雖婦人思存者而作然以獻公之攻戰不休知其
死亡之無日也則斷之以百歲之後庶幾得同歸于
丘而已其亦傷之至也蘇氏曰
思之深而無異心此唐風之厚也

冬之夜夏之日百歲之後歸于其室

鄭氏曰室猶居也

葛生五章章四句

采芩

力丁反

刺晉獻公也獻公好聽讒焉

朱氏曰獻公好聽讒觀驪姬譖

殺太子及逐羣公子之事可見也

采芩采芩首陽之巔人之為言苟亦無信舍旃舍旃苟

亦無然人之爲言胡得焉

毛氏曰興也 朱氏曰采有聽取之義故以采苓起

興 毛氏曰苓大苦也

釋文曰即甘草葉似地黃

首陽山名也

孔氏

曰首陽在河東蒲坂縣南

鄭氏曰巔山之上苟且也旃之言焉

也 歐陽氏曰戒獻公聞人之言且勿聽信置之且

勿以爲然

程氏曰又重誠曰置之且無以爲然

更攷其言何所得謂

徐察其虛實也

毛氏曰采苓細事也首陽幽辟也

細

曰小行謂小小之事無微謂幽隱辟側無微驗也讒言之起由君數聞小事於小人

孔氏曰

人之為言王肅諸本皆作為言定本作偽言

采苦采苦首陽之下人之為言苟亦無與舍旃舍旃苟亦無然人之為言胡得焉

毛氏曰苦苦菜也

孔氏曰所謂莖茶也

朱氏曰與許與也

采對采對首陽之東人之為言苟亦無從舍旃舍旃苟亦無然人之為言胡得焉

毛氏曰對菜名也

采苓采苦采對不曰郊野而曰首陽者興采聽之

當遠也孔子曰浸潤之譖膚受之愬不行焉可謂
遠也已矣不輕聽易動而徐觀其是非惟遠者能
之毛氏以采苓為細事首陽為幽辟孔氏引而伸
之謂讒言之起由君數問小事於小人雖求之太
過然實天下之名言也故附見焉

采苓三章章八句

唐國十二篇三十三章二百三句

呂氏家塾讀詩記卷十一

欽定四庫全書

經部

呂氏家塾讀詩記卷十五

詳校官監察御史臣邱庭澍

通政使司副使臣莫瞻菴覆勘

總校官降調編修臣倉聖脉

校對官學正臣翁樹棠

謄錄監生臣周元梓

欽定四庫全書

呂氏家塾讀詩記卷十二

宋 呂祖謙 撰

秦

鄭氏詩譜曰秦者隴西國名於禹貢近雍州烏鼠山

朱氏曰今秦州是也堯時有伯翳者實臯陶之子佐禹治水賜

姓曰嬴

孔氏曰鄭語云嬴伯翳之後地理志云嬴伯益之後則伯益伯翳聲轉字異猶一人也秦

本紀云秦之先帝顓頊之苗裔孫曰女脩女脩生大業大業生太費是為伯翳列女傳云臯子生五歲而

佐禹曹大家注云皋子皋陶之子伯益也

周孝王使其末孫非子養馬於

汧渭之間封為附庸邑之於秦谷至曾孫秦仲宣王

又命作大夫始有車馬禮樂侍御之好國人美之秦

之變風始作秦仲之孫襄公平王之初興兵討西戎

以救周平王東遷王城乃以岐豐之地賜之始列為

諸侯遂有周西都宗周畿內八百里之地其封域在

荆岐終南惇物之野至玄孫德公又徙於雍云 前

漢地理志天水隴西山多林木民以板為室屋及安

定北地上郡西河皆迫近戎狄修習戰備高上氣力
以射獵為先故秦詩曰在其板屋又曰王于興師修
我甲兵與子偕行及車鄰四驥之詩小戎之篇皆言
車馬田狩之事朱氏曰岐豐之地文王用之以興
二南之化如彼其忠且厚也秦人用之未幾而一變
其俗見於詩者大抵尚氣概先勇力已悍然有招八
州而朝同列之氣矣蓋雍州土厚水深其民敦重質
直不為浮靡以善導之則易以興起以猛驅之則其

強毅果敢之資亦足以強兵力農而成富強之業也
論之於此以見厚重強直者之可與有為而又以見
上之導民不可不謹其所之也

車鄰

力人反

美秦仲也秦仲始大有車馬禮樂侍御之好

焉

孔氏曰秦仲以字配國者
附庸未得爵命無諡可稱

有車鄰鄰有馬白顛

都田反

未見君子寺人之令

力呈反

毛氏曰鄰鄰衆車聲也白顛的

丁歷反

顛

桑黨反

也

孔氏曰的

白也顛顛也顛有白毛
蓋仲之名馬驂騶盜驪赤兔的虛之稱

王氏曰白顛

寺人內小臣

也

孔氏曰言寺人是在內細小之臣非謂寺人即是內小臣之官也燕禮諸侯之禮也云獻左右正與

內小臣是諸侯有內小臣也左傳齊有寺人貂晉有寺人披是諸侯有寺人也

鄭氏曰欲

見國君者必先令寺人使傳告之時秦仲又始有此

臣

蕪氏曰凡此皆人君之常禮而秦之先君昔所未有也范氏曰寺人所以傳內外之命君臣相信

故其下得以使之也

阪

音反有漆隰有栗既見君子並坐鼓瑟今者不樂音洛逝

者其塗

田節反

毛氏曰興也阪者曰阪下濕曰隰鄭氏曰既見既

見秦仲也 毛氏曰耄老也八十曰耄 朱氏曰阼
則有漆矣隰則有栗矣既見君子則並坐鼓瑟矣
鄭氏曰並坐鼓瑟君臣以閒暇燕飲相安樂也 范
氏曰今者不樂恐失時也 李氏曰逝者與日月逝
矣之逝同皆言其歲月之往

既見君子並坐鼓瑟簡易相親之俗也今者不樂
逝者其耄悲壯感嘆之氣也秦之強以此而止於
為秦者亦以此

阪有桑隰有楊既見君子並坐鼓簧音黃今者不樂逝者其亡

毛氏曰簧笙也

車鄰三章一章四句二章章六句

駟驥

四結反

美襄公也始命有田狩之事園囿之樂

音洛

焉

孔氏曰秦非子至於莊公常為附庸莊公生襄公平王封襄公為諸侯賜之岐西之地

駟驥孔阜六轡在手公之媚

音莫反

子從公于狩

王氏曰駟驥言純駟也

毛氏曰驥驪

孔氏曰驥

黑色

阜大

也 孔氏曰每馬有二轡四馬當八轡矣諸文皆言
六轡者以驂馬內轡納之於軼故在手者惟六轡耳
朱氏曰媚子所親愛之人也 毛氏曰冬獵曰狩
孔氏曰襄公乘驢色之馬既肥大而又良善御人
執其六轡在手而已不須控制之也 呂氏曰公之
媚子不必如媚于天子媚于國人者也此詩稱其始
為諸侯未必能用賢但人君之奉稍備云耳

奉時辰牡辰牡孔碩公曰左之舍

音捨拔

蒲末反

則獲

毛氏曰時是辰時也冬獻狼夏獻麋

亡悲反

春秋獻鹿

豕羣獸

孔氏曰皆天官獸人文獸之
供食各有時節故謂之時壯

朱氏曰壯獸

之壯者也

董氏曰五御三曰逐禽左自左騁而射

之達于右騁為上殺

孔氏曰逐禽由
左禮之常法

毛氏曰拔矢

末也

孔氏曰以鏃為
首以拔為末

孔氏曰虞人奉是時節之壯

獸驅以待公射之是時節之壯獸甚肥大矣公戒御

者曰從左而逐之公乃親自射之舍放矢括則獲其

獸言公之善射

遊于北園四馬既閑輶

音

由車驚

盧丹反

鑣

彼驕反

載獫

力念反

念

歇

許謁反

驕

許喬反

毛氏曰閑習也輶輕也

鄭氏曰輕

車

氏曰田僕字設

驅逆之車

孔

驅

逆之車

孔

驅

逆之車

孔

驅

逆之車

禽使前趨獲逆御還之使不出圍

朱氏曰鸞鈴也效鸞鳥之聲鑣

馬銜也

鄭氏曰置鸞於鑣異於乘車也

孔氏曰乘

車

鸞在銜

和在

毛氏曰獫歇驕田犬也長喙

況廢反

曰獫短喙

曰歇驕

朱氏曰田事已畢故遊于北園以車載犬

蓋以休其足力也韓愈畫記有騎擁田犬者亦此類

駟驥三章章四句

小戎美襄公也備其兵甲以討西戎西戎方強而征伐

不休國人則矜其車甲婦人能閔其君子焉

季氏曰史記秦仲誅

西戎西戎殺之宣王召其子莊公與兵七千人使伐西戎破之至殺幽王驪山下襄公將兵救周有功平王封

襄公為諸侯十二年伐戎至岐而卒

小戎伐

錢淺反

收五綵

音木

梁輶

陟萬反

游環脅驅陰鞫

音痛

盜

音沃續文茵

音因暢

音救亮

音各轂

駕我騏

音其驥

音之鼎

音樹言念君子

溫其如玉在其板屋亂我心曲

毛氏曰小戎兵車也淺淺收軫之忍也董氏曰六月

此天子之車也故夏鉤車殷寅車周元戎然則諸侯

之戎車謂之小戎宜也孔氏曰淺淺也收軫也軫

者車之前後兩端之橫木也所以收斂所載故名收

馬兵車言淺軫者對大車平地載任之車為淺也兵

車當輿之內從前軫至後軫惟深四尺四寸大五

車前軫至後軾其深八尺兵車之軾比之為淺五

束也梁歷錄也梁輶上句反古侯衡也一輶五束束

有歷錄也孔氏曰梁歷錄也輶者輶也梁輶輶上曲

衡則居衡之上而嚮下句之衡則橫居輶下如屋之

梁然故謂之梁輶也一輶之上以皮革五處束之每

束皆有文章歷錄故謂之五梁也陳氏曰輶車輶

也其前駕於服馬之衡之上其後則乘前軾直逼後

軫梁輈則窮其上以便服馬之進退車之進退以轅
為主懼輈之不堅也故一轅則五分其窮每分以皮
束之使堅游環鞞環也游在背上所以禦出也脅驅
是謂五檠

慎駕具所以止入也

鄭氏曰游環在背上無常處貫

服馬之外脅以止驂之入孔氏曰游環者以環貫
游馬在服馬背上驂馬之外轡貫之游移無定處也
驂馬欲出此環牽之所以禦出也脅驅者以一條皮
上繫於衡後繫於軾當服馬之脅愛慎乘駕之具也
驂馬欲入則此皮陰揜於檢軌也鞞所以引也蓋白
約之所以止入也

金也續續鞞也

鄭氏曰揜軌在軾前垂鞞上蓋續白
金飾續鞞之環孔氏曰揜軌謂與

下三面材反版木橫側車前所以陰映此軌也鞞在
軌前橫木扶軌故鄭氏云軌在軾前垂鞞上謂陰板

垂轡上也此車衡之長唯六尺六寸止容二服而已
駢馬頸不當衡別以皮為二轡繫於陰板之上令駢
馬引之左傳云兩轡將絕是橫軌之前別有駢馬二
轡也蓋沃也非白金之名謂銷白金以沃灌轡環轡
言蓋續則是作環相接朱氏曰揜軌在軾前軾上
轡者以皮二條前繫駢馬之頸後繫陰板之上蓋續
陰板之上有續轡之處銷
白金沃其環以為飾也
文茵虎皮也暢轂長轂也

孔氏曰茵者車上之褥劉熙釋名云文茵車中所坐
也用虎皮有文采也暢訓為長言長於大車之轂也
兵車之轂長三尺二寸大車之轂長八尺半兵車
之轂比之為長朱氏曰轂所以貫車輪者
騏驎

文也左足白曰驥

孔氏曰色之青黑者名為騏驎名
為騏知其色作綦文馬後足白為

驥

孔氏曰婦人閔其君子云言念君子溫然其如

玉今乃遠在西戎板屋之中思而不得見亂我心曲

也

朱氏曰心曲心中委曲之處也

地理志云天水隴西民以板為屋

然則秦之西垂民亦板屋也毛氏言西戎板屋者此言伐戎故也

四牡孔阜六轡在手騏驎

音留

是中駟

古花反

驪是驂龍盾

順九反

之合蓋以履

古穴反

納

音納

言念君子溫其在邑方何

為期胡然我念之

孔氏曰孔阜甚肥大也六轡在手見前章鄭氏曰

赤身黑鬣

力輒反

曰駢

孔氏曰今人猶謂此為駢馬

孔氏曰黃馬

黑喙曰駟

驪解見駟

鄭氏曰中中服也驂兩駢

芳菲也

孔氏曰車駕四馬在內兩馬謂之駢

毛氏曰龍盾

畫龍為盾也合合而載之

孔氏曰盾以木為之而謂之龍盾是畫龍于盾也王

肅云合而載之以為車蔽也朱氏曰盾干也載之以為車上之衛也

鄭氏曰鍤以

輶輶之輶以白金為飾也輶繫於軾前 朱氏曰

輶環之有舌者 毛氏曰輶內轡也

孔氏曰輶輶謂白金飾皮

為輶以納物也四馬八轡而經傳皆六轡明有二轡當繫之馬之有轡者所以制馬之左右令之隨逐人

意驂馬欲入則偏而脅驅內轡不煩牽挽故知轡者
納驂內轡繫於軾前其繫之處以白金為轡也
蘇氏曰驂之外轡則御者執之
朱氏曰邑西鄙之邑也方將也將

以何時為歸期乎何為使我念之極也

侵駟孔羣公

音求

矛鏐鏐

徒對反

蒙伐有苑虎韞

亮反

鏐鏐

魯豆

反膺交韞二弓竹閉緄

古本反

滕

直登反

言念君子載寢載

興厭厭

於鹽反

良人秩秩德音

毛氏曰侵駟四介馬也

孔氏曰侵訓為淺駟是四馬是用淺薄之金以為駟馬之

甲陳氏曰今為馬甲之札欲其輕而易於馬之旋習

鄭氏曰孔羣者言甚

調和也

毛氏曰公三隅矛也鏹鏹

反但寸也

孔氏曰

隅矛刃有三角鏹以白金為其鏹曲禮曰進戈者前其鏹進矛戰者前其鏹是矛之下端者當有鏹也鏹底曰鏹平底曰鏹毛氏言鏹鏹者取類相明非訓為鏹也朱氏曰鏹鏹亦以白金鏹之也

蒙討

羽也伐中干也苑文貌

鄭氏曰蒙苑也討雜也畫氏曰畫雜鳥之羽以為盾飾其文章苑然而美司兵掌五盾各辨其等注云干櫓之屬言辨其等則盾有大小左傳狄虺彌建大車之輪而蒙之以甲以為櫓櫓是大盾故以伐為中干干伐皆盾之別名也

虎皮也韞弓室也鄭氏曰鏤刻金飾也毛氏曰

鷹馬帶也

孔氏曰其弓則虎皮之韞其馬則有金鏤之鷹鷹臂也鏤鷹謂鷹上有鏤是以金飾

帶若金之
婁胃也

交韞交二弓於韞中也

孔氏曰交二弓於韞中謂顛倒安置

之王氏曰韞必二弓如有副馬以備壞也

閉紐息列反

緄繩膝約也

孔氏曰既

夕禮說明器之弓云有秘注云秘弓藥也弛則縛之於弓裏備損傷也以竹為之引詩云竹閉緄繩然則

竹閉一名秘也紐繫也置弓秘裏以繩繫之因名秘為紐所紐之事即緄繩是也謂以繩約弓然後納之

韞中也朱氏曰樂弓體使正也

朱氏曰載寢載興言思之深既

寢而又興也

毛氏曰厭厭安靜也

蘓氏曰秩秩

有敘也

李氏曰婦人謂夫乃安靜善人其德音又

秩秩然有敘今乃從征役我是以思念也

釋文公

作存

小戎三章章十句

兼

反古恬

葭

加音

刺襄公也未能用周禮將無以固其國焉

蘓氏曰兼葭之方成也蒼蒼其猗猗而不適於用至於白露凝庚為霜然後堅成可施用於人秦起於西垂與戎狄雜居本以強兵富國為先襄公以耕戰自力而不知以禮義終成之豈不蒼然哉然君子以為未成故其後世狃於利而不知義至商君厲之以法卒以此勝天下既勝之後二世而亡其數有以取之矣

兼葭蒼蒼白露為霜所謂伊人在水一方遡

反蘓路

洄

回音

從之道阻且長遡游從之宛在水中央

毛氏曰興也蒹葭蘆也

孔氏曰蒹似萑而細高數尺牛食之肥蘆葦也

蒼蒼盛也白露凝為霜

朱氏曰伊人猶言彼人也

一方彼一方也

毛氏曰逆流而上曰溯洄順流而

涉曰溯

鄭氏曰宛坐見貌

歐陽氏曰蒹葭必

待霜然後堅實秦必用周禮以變其夷狄之俗 程

氏曰順而求之則易且近逆而求之則艱且遠

蒹葭淒淒白露未晞

音希

所謂伊人在水之湄溯洄從之

道阻且躋溯從之宛在水中坻

直尸反

程氏曰淒淒青蒼之間也

毛氏曰晞乾也

孔氏曰謂未乾

為霜躋升也

爾雅曰水艸交為渚

毛氏曰坻小渚

也 釋文淒淒作萋萋曰本亦作淒

蒹葭采采白露未已所謂伊人在水之渚邇洄從之道
阻且右邇游從之宛在水中沚

朱氏曰采采言其盛而可采也

毛氏曰未已猶未

止也渚涯也

孔氏曰若正與相當行則易到今乃

出其右是難至也

毛氏曰小渚曰沚

此詩全篇皆比猶鶴鳴之類所謂伊人猶曰所謂此理也蓋指周禮也襄公所以未能用周禮者疑其迂爾若孝公所云安能邑邑待數十百年以成帝王也故詩人諷之以禮甚易且近特人求之非其道爾

蒹葭三章章八句

終南戒襄公也能取周地始為諸侯受顯服大夫美之故作是詩以戒勸之

歐陽氏曰按史記平王封襄公為諸侯賜之以岐西之地襄公十二

年伐戎至岐而卒子文公立十六年以兵伐戎戎敗走
遂收周餘民而有之地至岐蓋自戎侵奪岐豐周遂東
遷雖以岐豐賜秦使自攻取而終襄公之世不能取之
但當一以兵至岐至文公始逐戎而取岐豐之地
朱氏曰襄公雖未能逐有周地然既有天子
之命矣穀梁子曰王者無外命之則成矣

終南何有有條有梅君子至止錦衣狐裘顏如渥
反於角

丹其君也哉

毛氏曰興也終南周之名山終南也條檣梅柟
反如鹽

也
孔氏曰檣郭璞曰今之山楸也陸璣曰皮葉
白色亦白宜為車板梅郭璞曰似杏實酢
朱

氏曰君子指其君也 鄭氏曰至止者受命服於天

子而來也諸侯狐裘以裼

星厯反

之

楊氏曰玉藻曰錦衣狐裘諸侯之服

也

渥厚漬

疾智反

也顏色如厚漬之丹言赤而澤也

程氏曰終南崇高厚大以興君位之尊山之高大必

生美材人君尊崇必有令德故宜稱顯服又美其容

貌稱人君之位

范氏曰有其服與容而無德以稱之君子恥之此所以戒也

其君也哉猶書所謂孺子王矣戒之之辭也

終南何有有紀有堂君子至止黻

音弗

衣繡裳佩玉將將

七年

壽考不忘

孔氏曰紀稜角堂寬平

朱氏曰紀山之廉角也堂山之寬平處也毛氏曰紀基

也堂畢道平如堂也孔氏曰基謂山基也畢終南之道名道之側其虛如堂之牆也

毛氏

曰黑與青謂之黻

朱氏曰黻之狀兩已相戾也

五色備謂之繡

朱氏

曰繡刺繡

朱氏曰將將佩玉聲也壽考不忘者欲其居

此位服此服長久而安寧也亦戒勸之辭

終南二章章六句

黃鳥哀三良也國人刺穆公以人從死而作是詩也

孔氏

曰左傳文六年秦伯任好卒以子車氏之三子奄息仲行鍼虎為殉皆秦之良也國人哀之為之賦黃鳥殺人

以葬環其左右曰殉不刺康公而刺穆公是穆公命從已死此人自殺從之董氏曰陳乾昔魏顯從其治命不以為殉君子美之然康公得無罪乎詩人特以傷賢者之不得死然方責穆公死而棄民故舉其重者朱氏曰三人者不食其言以死從君而詩人不以為美者死不為義不足美也東坡蘇氏和陶淵明三良詩曰此生太山重忽作鴻毛遺三子死一言所死良已微賢哉晏平仲事君不以私我豈夫馬哉從君求蓋惟殺身固有道大節要不虧君為社稷死我則同其歸顧命有治亂臣子得從違魏顯真孝愛三良安足希任宦豈不榮有時纏憂悲所以靖節翁服此黔婁衣

交交黃鳥止于棘誰從穆公子車奄息維此奄息百夫之特臨其穴惴惴其慄彼蒼者天殲子廉反我良人如可

贖今人百其身

毛氏曰興也

朱氏曰以所見起興也 陶淵明詩曰荆棘籠高墳黃鳥聲正悲

李

氏曰交交飛而往來之貌 孔氏曰黃鳥止於棘得

其所 毛氏曰子車氏奄息名 王氏曰百夫之特

則特出於百夫 鄭氏曰穴壙也 毛氏曰惴惴懼

也 鄭氏曰慄慄也彼蒼者天愬之 毛氏曰殲

盡良善也

孔氏曰盡殺我善人

朱氏曰此奄息之死若可以

他人贖之則人雖有百身亦皆願贖之矣愛之甚也

交交黃鳥止于桑誰從穆公子車仲行
戶郎反維此仲行
百夫之防臨其穴惴惴其慄彼蒼者天殲我良人如可
贖兮人百其身

鄭氏曰防猶當也言此一人當百夫

訓防為當者蓋如隄防之防水

交交黃鳥止於楚誰從穆公子車鉞虎維此鉞虎百夫
之禦臨其穴惴惴其慄彼蒼者天殲我良人如可贖兮
人百其身

王氏曰百夫之禦則能禦百夫者也

黃鳥三章章十二句

晨風刺康公也忘穆公之業始棄其賢臣焉

孔氏曰康
公釐穆公

子
歟
反尹
橘

稿

彼晨風鬱彼北林未見君子憂心欽欽如何

如何忘我實多

毛氏曰興也駟疾飛貌晨風鷗

反之然

也

疏云鷓似鷓

青黃色燕頤句喙嚮
擊鳩鵲燕雀食之

風搖翅乃因風急疾
鷄羊召反喙許穢反

鬱積也

北林林名也憂心欽欽思望之心中欽欽然

程氏曰
欽欽不

繫鳩鵲燕雀食之

解之意

忘我實多今則忘之矣

程氏曰以晨風興君

子者取其去來之疾人君好賢待士有道則賢者歸之禮貌不至則浩然去矣林木茂盛則飛鳥所集興朝廷有道則賢者所就也如何如何歎其如是也此詩主賢者見棄之意而言故云忘我 說文駝作鵠此詩亦如權輿刺康公與賢者有始而無終未見君子憂心欽欽言康公初立想望賢者如是之切也如何如何忘我實多責其不能終也

山有苞櫟

盧狄反

隰有六駁

邦角反

未見君子憂心靡樂

音洛

如何如何忘我實多

李氏曰苞叢生也

毛氏曰櫟木也

陸氏艸木疏云秦人謂柞櫟為

櫟河內人謂木蓼為櫟此秦詩也宜從其方土之言柞櫟是也

孔氏曰王肅云言

六據所見而言也

陸氏艸木疏曰駁駁馬駁馬梓

榆也梓榆其樹皮青白駁犖遙視似駁馬故謂之駁

馬

毛氏曰駁如馬鋸牙食虎貌山有苞櫟隰有樹槩皆山隰之木相配不宜云獸

艸木疏曰下章云

朱氏曰靡樂憂之甚也

蘓氏曰山則有櫟隰則

有駁可以大國而獨無其人乎

山有苞棣

音梯

隰有樹檍

音遂

未見君子憂心如醉如何如

何忘我實多

毛氏曰棣唐棣也

解見何彼穠矣

檍赤羅也

釋文曰赤羅今楊檍也實似梨

而小醉可食

朱氏曰如醉憂又甚矣

秦之寡恩於晨風權輿二詩見之

無衣刺用兵也秦人刺其君好

呼報反

攻戰亟

欺異反

用兵

而不與民同欲焉

孔氏曰康公以文十年立十八年卒案春秋文七年晉人秦人戰于令狐

十年秦伯伐晉十二年晉人秦人戰于河曲十六年楚人秦人滅庸見於經傳者已如是是其好攻戰也

朱氏曰襄公以王命攘戎狄報君父之讐故征伐不

休而詩人美之康公令狐河曲之戰修私怨逞小忿

故好攻戰亟用兵而詩人刺之詩可以觀於此見矣

豈曰無衣與子同袍

袍毛反

王于興師修我戈矛與子同

仇

毛氏曰袍襦

古典反

也

孔氏曰玉藻云纁為襦纁為袍純著新綿名為襦雜用舊絮名

為袍

戈長六尺六寸矛長二丈

陳氏曰仇怨也

蘓

氏曰古者君與民同其甘苦非謂其無衣也然有是袍也願與之同之故於王之興師也民皆自修其戈矛而與之同仇矣傷今無恩於民而用其死也秦本

周地故其民猶思周之盛時而稱先王焉毛氏曰上與百姓同

欲則百姓樂致其死 范氏曰豈曰無衣與子同袍者上與下之辭也王于興師修我甲兵與子同仇下與其上之辭也

豈曰無衣與子同澤王于興師修我矛戟與子偕作

鄭氏曰澤褻仙列反衣近汙垢朱氏曰澤裏也以其親膚近於垢澤故謂之澤

汙音烏垢
古口反

戟車戟常也

孔氏曰常
長丈六

毛氏曰作起也

豈曰無衣與子同裳王于興師修我甲兵與子偕行

毛氏曰行往也

無衣三章章六句

渭陽康公念母也康公之母晉獻公之女文公遭驪

力馳

反姬之難

乃旦反

未反而秦姬卒穆公納文公康公時為

太子贈送文公于渭之陽念母之不見也我見舅氏如

母存焉及其即位而作是詩也

朱氏曰我見舅氏如母存焉蓋為康公之語

范氏曰見舅而思其母此人之情也人能充是心則

孝亦無不至矣若康公者未能充之也然其以是心

而作是詩亦足以為孝矣

廣漢張氏曰康公為太子送舅氏而念母之不見是

固良心也及其即位猶是心而賦詩是以夫子有取焉而卒不能自充於令狐之役怨欲害于良心也使

康公知猶是心養其端而克之則怨欲可消矣

我送舅氏曰至渭陽何以贈之路車乘

成證

黃

毛氏曰母之昆弟曰舅鄭氏曰秦是時都雍至渭

陽者蓋東行送舅氏於咸陽之地

孔氏曰漢地理志云古扶風渭城縣

故咸陽也其地在渭水之北

毛氏曰贈送也 董氏曰巾車金

路以封同姓象路以封異姓革路以封四衛木路以

封蕃國皆諸侯也故人君之車曰路車 毛氏曰乘

黃四馬也

朱氏曰乘黃四馬皆黃也

王氏曰至渭陽者送之遠

也悠悠我思者思之長也路車乘黃瓊瑰玉佩者贈之厚也

我送舅氏悠悠我思何以贈之瓊瑰

古曰反

玉佩

毛氏曰瓊瑰石次玉

渭陽二章章四句

權輿刺康公也。忘先君之舊臣與賢者有始而無終也。於我乎夏屋渠渠。今也每食無餘。于嗟乎不承權輿。

毛氏曰：夏，大也。孔氏曰：夏屋，王肅云大屋。崔駰七

依說宮室之美云。夏屋，渠渠。蘇氏曰：渠渠，深廣。

毛氏曰：承繼也。權輿，始也。

釋文

朱氏曰：言康公其

初有渠渠之夏屋，以待賢者。而其後待賢之意寢衰，供億寢薄。賢者每食而無餘，於是嘆之言不能繼其

始也漢楚元王敬禮申公白公穆生穆生不嗜酒元
王每置酒嘗為穆生設醴及王戊即位常設後忘設
焉穆生退曰可以逝矣醴酒不設王之意怠不去楚
人將鉗我於市稱疾申公白公強起之曰獨不念先
王之德歟今王一旦失小禮何足至此穆生曰先王
之所以禮吾三人者為道之存故也今而忽之是忘
道也忘道之人胡可久處豈為區區之禮哉遂謝病
去此詩其當之矣

於我乎每食四簋今也每食不飽于嗟乎不承權輿

孔氏曰簋是瓦器容斗二升方曰簠圓曰簋簠稻器也簋黍稷器也 朱氏曰四簋禮食之盛也

權輿二章章五句

秦國十篇二十七章百八十一句

呂氏家塾讀詩記卷十二